



Stranda kommune
Øyna 13
6200 STRANDA

Saksbehandlar, innvalstelefon

Tone Helen Rørseth, 71 25 84 17

Stimuleringstilskot til veterinærdekning for 2023

Vi viser til rundskriv 2022-87 frå Landbruksdirektoratet og informerer om at kommunar kan søkje om stimuleringstilskot til veterinærdekning for 2023. Viser også til søkerveiledninga «Stimuleringstilskudd til veterinærdekning» på Landbruksdirektoratet sine nettsider, og brukerveiledninga til saksbehandling i Agros under «Dokumenter»

Vi gjer kommunane spesielt merksame på følgjande for 2023:

- Prøveordninga der kommunen kan stille krav om deltaking i vaktordninga er vidareført i 2023.
- Statsforvalteren i Møre og Romsdal ber om litt meir utfyllande opplysningar i søknad/rapportering enn vi har fått tidlegare år.

Stortinget har løyvd 34.282 millionar kroner i stimuleringstilskot til veterinærdekning for 2023 der Møre og Romsdal fylke er tildelt 3.360.000 kroner. Statsforvaltaren i Møre og Romsdal gjer vedtak om tildeling av midlane etter handsaming av søknadar frå kommunar i tråd med føringar frå Landbruksdirektoratet. Kommunane utlyser tilskot med søknadsfrist for veterinærforetak i kommunane, og gjer vidare enkeltvedtak etter forvaltningslova om tilskot til veterinærforetak.

Føremålet med stimuleringstilskotet er å medverke til å sikre tilfredsstillande tilgang på tenester frå dyrehelsepersonell i næringsssvake område, og er viktig for å medverke til veterinærtenester **på dagtid**. Næringsssvake område er område der etterspørselen etter dyrehelsetenester, og dermed innteningsgrunnlaget for veterinærar, ikkje er stort nok til etablering av en berekraftig veterinærpraksis.



Prøveordning for kommunar i 2021/2022 også i 2023

Kommunar som har utfordringar med å få nok veterinærar til å delta på klinisk veterinærvakt **utanom** ordinær arbeidstid, **kan** i 2023 stille krav om vakt deltaking for at veterinærane skal kunne motta stimuleringsstilskot. Forutsetninga for å kunne stille eit slikt krav er at kommunanes bruk av midlar over ordninga er i tråd med formålet med stimuleringsstilskotet, som er å bidra til å sikre tilfredsstillande tilgang på tenester frå dyrehelsepersonell på dagtid.

Denne prøveordninga vil bli ført vidare i tilskotsåret 2023.

Landbruksdirektoratet legg opp til å evaluere ordninga i 2023 med utgangspunkt i erfaringar kommunane og Statsforvaltarane har gjort seg med den i 2021 og 2022, før det tas stilling til om den skal vidareførast i 2024.

Kommunar som stilte krav om vakt deltaking for å motta stimuleringsstilskot i 2022, skal rapportere særskilt om dette til Statsforvaltaren ved den årlege rapporteringa om bruken av midlane.

Utlysing av ordninga i kommunane.

Kommunar som ønsker å søke om stimuleringsstilskot, vert oppfordra til å lyse ut midlane på ein hensiktsmessig måte, og sette ein frist til veterinærforetak for å søke om tilskot frå kommunen. Kommunen må gjere ordninga kjent for alle veterinærar som arbeider eller bor i området søknaden gjelder for, slik at alle veterinærar får den same sjansen til å søke. Veterinærforetaka må sende inn søknadar i form av e-post eller brev til kommunen.

Søknadsfristen må vere så tidleg at kommunen rekker å gå gjennom søknadane før kommunen skal søke om midlar frå Statsforvaltaren. Søknadane frå veterinærforetaka vil gi kommunen kunnskap om kva tiltak dei bør søkje om stimuleringsstilskot til, og kor mykje tilskotsmidlar dei treng. Vi oppmodar kommunane om å ha god dialog med veterinærane for å finne dei gode tiltaka for å medverke til tilfredsstillande tilgang på veterinærtenester.

Det finnes ikkje eige søknadsskjema som veterinærforetak kan nytte for å søkje om stimuleringsstilskot frå kommunen. Grunngeve søknad må sendast til kommunen på e-post eller per brev innan den fristen som kommunen fastsett.

Kven kan søkje stimuleringsstilskot frå Statsforvaltaren

Alle kommunar og vakt distrikt i Møre og Romsdal kan søkje om midlar til stimuleringsstilskot frå Statsforvalteren i Møre og Romsdal. Det er administrasjonskommunen som søker på vegne av vakt distriktet om heile vakt distriktet søker i lag.



Søknad og søknadsfrist hos Statsforvaltaren

Søknad frå kommunar til Statsforvalteren skal skje elektronisk via Altinn, og frist for å søkje er sett til **20 februar 2023**.

Statsforvaltaren handsamar og sender ut vedtaksbrev elektronisk via Agros. For nærare rettleiing om elektronisk søknad, sjå vedlagte kopi av rundskriv 2022-87. Søknadsskjemaet finn de på Altinn:

<https://www.altinn.no/skjemaoversikt/landbruksdirektoratet/stimuleringstilskudd-til-veterinardekning/>

Føringar og prioriteringar for tildeling

Rundskriv 2022-87 legg føringar for kva vurderingar Statsforvaltaren skal leggje til grunn for løyving:

Landbruksdirektoratet listar opp dei viktigaste kriteria for prioritering av søknadane i rundskrivet:

- a) *Kommuner med dårlig næringsgrunnlag for veterinærer skal prioriteres.*
- b) *Lavt dyretall og krevende infrastruktur bør være blant kriteriene for tildeling av tilskudd.*
- c) *At stimuleringstiltaket er hensiktsmessig for å bidra til å sikre tilfredsstillende tilgang på tjenester fra dyrehelsepersonell, vil være relevant å tillegge vekt.*
- d) *At det er vanskelig å rekruttere og beholde veterinær vil være relevant å tillegge vekt.*
- e) *De mest aktuelle stimuleringstiltakene er etableringsstøtte, driftsstøtte samt å opprette kommunale veterinærstillinger hvor den ansatte også kan bidra til å løse ulike oppgaver i kommunen hvor veterinærens kompetanse kommer til anvendelse. Også andre stimuleringstiltak kan være aktuelle.*

Landbruksdirektoratet har utarbeidd eit hjelpemiddel som også vert nytta i lag med kriteria og våre vurderingar av søknadane. Dette hjelpemiddelet er eit rekneark som syner tal dyr per kommune, vekta etter antatt innteningsgrunnlag for veterinærane etter dyreslag.

Statsforvalteren ber kommunane i søknaden skildre godt situasjonen i sin kommune/vaktdistrikt. I utgangspunktet ser vi at store deler av Møre og Romsdal har utfordringar med å sikre tilfredsstillande tilgang på tenester frå dyrehelsepersonell, og at store deler av fylket dermed er i kategorien næringsssvake område. Dette gjer arbeidet med å fordele stimuleringstilskotet vanskeleg.



Hjelp oss ved å skildre det særeigne akkurat no i deira kommune/vaktdistrikt. Tilskotsramma for fylket samla er ikkje stor nok til å dekkje alle søknadar frå kommunane, så Statsforvalteren vil bli nøydd til å gjere prioriteringar ved tildeling. Utfordring med å rekruttere og halde på veterinærar vil bli lagt aller mest vekt på, samt område med infrastruktur som gjer det vanskeleg å sikre tilfredsstillande tilgang på dyrehelsepersonell.

Utfordringane i kommunane med å sikre tilgang på dyrehelsepersonell har gradvis blitt større dei seinare åra, og det kan oppstår fleire situasjonar med mangel på veterinærdekning om veterinærar flytter eller pensjonerer seg. Det er også ofte periodevise eller varige endringar i infrastruktur som kan gi problem med veterinærdekning. Dette fører til at søknadssummane vil variere over tid, og for å bøte på lokale akutte utfordringar vil dermed fordelinga av tilskot til kommunane ikkje kunne vere stabil til kvar kommune frå år til år. Statsforvalteren er difor avhengig av å få ein god skildring av situasjonen og utfordringane i kvar enkelt kommune/vaktdistrikt.

Vedtak om stimuleringstilskot gjeld for det kalenderåret tilskotet er løyvd for. Enkelte av stimuleringstiltaka det blir søkt midlar til kan være av ein slik karakter at dei går over fleire år enn tilskotsåret. Statsforvalteren skal ikkje tildele eller gi tilsegn om midlar som gjel for fleire år enn tilskotsåret.

Stimuleringstilskot kan ikkje nyttast til finansiering av andre ordningar som mottar øyremerka støtte over statsbudsjettet eller jordbruksoppgjeret. Det er for eksempel ikkje anledning til å nytte tilskotet til vederlag for klinisk veterinærvakt utanom ordinær arbeidstid eller til å dekke kostnader som påløper ved veterinærreiser.

Fordeling vidare av stimuleringstilskot i kommunane

For å oppnå best effekt av midlane lokalt, må kommunen sjå søknadar dei har motteke opp mot kvarandre og vurdere dei samla før søknadene blir prioritert for løyving. Kommunen kan bruke lokalt skjønn i si vurdering så lenge dette ikkje er i strid med vilkåra for å få stimuleringstilskot.

Kommunen kan tildele stimuleringstilskot til veterinærar som har søkt om midlar etter fristen kommunen satt, viss søknaden er motteke før kommunen har fordelt stimuleringstilskotet.

Kontroll

Statsforvaltaren kan føre kontroll med at midlane er brukt i tråd med vilkåra for tildeling, jf. bevilgningsreglementet § 10 andre ledd. Ved kontroll pliktar tilskotsmottakar å gi Statsforvalteren nødvendige opplysningar og dokument.



Vedtak og utbetaling til kommunane

Vedtak og utbetaling av stimuleringsstilskot til veterinærdekning til kommunane skal skje i Agros. Vedtak om løyving av tilskot til kommunar er ikkje enkeltvedtak etter forvaltningslova. Kommunane har derfor ikkje rett til å klage på vedtak om stimuleringsstilskot.

Vedtaksbrevet blir automatisk sendt til Altinn-postboksen til kommunen idet vedtaket blir godkjent. Tilskotet blir samtidig sendt til utbetaling. Det kan likevel gå inntil fem dagar før kommunen får pengane på sin bankkonto.

Midlar som kommunen ikkje har brukt opp i det kalenderåret de er løyvd for, må Statsforvalteren dra inn. Viss kommunen ikkje har brukt midlane i samsvar med vilkåra for å motta stimuleringsstilskot, kan Statsforvalteren vurdere å krevje heile eller deler av tilskotet tilbake.

Klage

Vedtak om løyving av stimuleringsstilskot frå Statsforvaltar til kommunar er ikkje enkeltvedtak etter forvaltningslova. Kommunane har derfor ikkje rett til å klage på vedtak om stimuleringsstilskot.

Kommunen sitt vedtak om å løyve stimuleringsstilskot vidare er derimot enkeltvedtak etter forvaltningslova med klagerett. Statsforvalteren er klageinstans. Kommunen må vurdere ein evt. klagesak på nytt, og kan enten gjere om vedtaket, eller sende det til klageinstansen Statsforvaltaren for endeleg avgjerd. Klagefristen er tre veker, jf. forvaltningslova §29. Søkjer kan be om å få sjå dokumenta i saka, jf. forvaltningslova § 18 og § 19.

Om rapportering av midlar tildelt i 2022

Rapportering av midlar som vart tildelt kommunar i 2022, skal rapporterast til Statsforvalteren når de søker om nye midlar i Altinn. Dei kommunane som ikkje tenkjer å søkje om midlar, men som skal rapportere på tildeling for 2022, må sende rapporten direkte i e-post til Statsforvaltaren i Møre og Romsdal:

sfmrpost@statsforvalteren.no

Krav til rapportering for bruk av middel i 2022

1. Ei vurdering av tilgangen på tenester frå dyrehelsepersonell i dei ulike kommunane/vaktdistrikta.
2. Alle tiltaka kommunen har brukt midlane på.
3. Beløp per tiltak.
4. Eventuelle endringar frå planen kommunen oppga i søknaden.



5. Grunngeving for eventuelle endringar.
6. Effekten av gjennomførte tiltak.
7. Beløp som ikkje er utbetalt.
8. Kommunen sin eigen finansiering av veterinærtenester ved sida av stimulerings-, vakt- og administrasjonstilskot til veterinærdekning frå staten.
9. Om de har nytta prøveordninga med å stille krav om vaktdeltaking for å motta stimuleringstilskot i 2022, og viss ja skal de beskrive eigen erfaring med ordninga.

Kommunane kan sjølv sette krav til rapportering i vedtaksbrevet på tilskot dei har løyvd til veterinærforetak. Det vil vere hensiktsmessig å be om rapportering på dei opplysningane som kommunen skal rapportere vidare til Statsforvalteren.

Med helsing

Marianne Aas Halse (e.f.)

Tone Helen Rørseth
førstekonsulent

Dokumentet er elektronisk godkjent